



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: T20 0 KTRZ 0006030 21

Sarajevo, 26.12.2024. godine

SUD BOSNE I HERCEGOVINE
- Sudiji za prethodno saslušanje -

Na osnovu člana 35. stav 2. tačka i), člana 226. stav 1. i člana 227. Zakona o krivičnom postupku Bosne i Hercegovine (ZKP BiH), p o d i ž e m:

OPTUŽNICU

Protiv:

1. **MILIĆ RAJKO**, [REDACTED] rođen [REDACTED] 1951. godine
u Zenici, [REDACTED]

[REDACTED]
[REDACTED]
[REDACTED]
[REDACTED];

2. **PAVLOVIĆ MIODRAG**, zv. „Mijo“, [REDACTED], rođen
[REDACTED] 1957. godine u Kozluku, [REDACTED]

[REDACTED]
[REDACTED]
[REDACTED]
[REDACTED]
[REDACTED]

3. **ZARIĆ RADENKO**, [REDACTED], rođen [REDACTED] 1965.
godine u Bratuncu, [REDACTED]

[REDACTED]
[REDACTED]
[REDACTED]
[REDACTED]
[REDACTED]

[REDACTED] **DRAŠKOVIĆ VUKAŠIN** zv. „Šijak“ [REDACTED], rođen
[REDACTED] 1973. godine, u Ročeviću, [REDACTED]

[REDACTED]
[REDACTED]
[REDACTED]
[REDACTED]

[REDACTED] **TOMIĆ MILAN**, [REDACTED], rođen [REDACTED] 1967. godine u
Loznici, R. Srbija, [REDACTED]

[REDACTED]
[REDACTED]
[REDACTED]
[REDACTED]

Zbog osnovane sumnje da su:

Za vrijeme široko rasprostranjenog i sistematičnog napada preduzetog u periodu od 06.07.1995. do 01.11.1995. godine od strane pripadnika VRS-a i MUP-a RS, usmjerenog na pripadnike bošnjačkog naroda u zaštićenoj zoni UN-a Srebrenica, tokom kojeg napada je izvedena operacija trajnog i prisilnog preseljenja cjelokupnog bošnjačkog civilnog stanovništva, operacija hvatanja, zatvaranja i pogubljenja vojno sposobnih muškaraca Bošnjaka i dječaka iz Srebreničke enklave, te operacija njihovog ukopa, iskopa, te ponovnog ukopa na drugim lokacijama u cilju sakrivanja dokaza, na koji način je djelomično istrijebljena skupina bošnjačkog naroda pri čemu je cjelokupno bošnjačko civilno stanovništvo, do 40 000 civila Bošnjaka uklonjeno iz srebreničke enklave, a više od 7000 muškaraca Bošnjaka i dječaka ubijeno, zakopano, otkopano i premješteno na druge lokacije pa ponovo zakopano, osumnjičeni svjesno pružili pomoć

članovima udruženog zločinačkog poduhvata (UZP) između ostalih, generalu [REDACTED], komandantu Glavnog Štaba VRS, pukovniku [REDACTED], načelniku za bezbjednost Glavnog štaba VRS-a, potpukovniku [REDACTED], pomoćniku komandanta za bezbjednost Drinskog korpusa, pukovniku [REDACTED], komandantu Zvorničke brigade, potpukovniku [REDACTED], zamjeniku komandanta i načelniku štaba Zvorničke brigade, poručniku [REDACTED], pomoćniku komandanta za bezbjednost Zvorničke brigade, [REDACTED], pomoćniku komandanta za bezbjednost i obavještajne poslove Bratunačke brigade [REDACTED], načelniku inženjerije Zvorničke brigade, [REDACTED] komandantu 2. bataljona Zvorničke brigade VRS-a, te raznim drugim pojedincima, vojnim i policijskim jedinicama, uključujući jedinice Drinskog korpusa, jedinice Glavnog štaba VRS, jedinice MUP-a RS, a čiji plan i cilj je bio da zatvore i po kratkom postupku pogube, a potom i zakopaju vojno sposobne muškarce Bošnjake iz Srebreničke enklave, a žene, djecu i starce da prisilno premjeste iz enklave i na taj način ih unište kao grupu, tako što su:

nakon što je ne manje od 829 (osamstotinadvestdevet) zatočenika iz Zaštićene zone Ujedinjenih nacija "Srebrenica", muškaraca i dječaka Bošnjačke nacionalnosti, dana 14. jula 1995. godine, sa područja općine Bratunac, organizovano autobusima i kamionima prisilno dovedeno u osnovnu školu u naselju Ročević, općina Zvornik, u kojem transportu su učestvovali i pripadnici Vojne policije Bratunačke brigade VRS-a uključujući osumnjičenog **Zarić Radenka** gdje su ih naoružani automatskim vatrenim oružjem obezbjeđivali pripadnici vojne policije Zvorničke i Bratunačke brigade, kao i pripadnici 2. bataljona Zvorničke brigade VRS-a, na način da su se rasporedili oko škole i navedenim oružjem ciljali u vrata i prozore zgrade škole i fiskulturne sale u kojoj su bili zatočenici, a ispred koje se nalazio oteți transporter UN-a u kojem su sa teškim naoružanjem bili pripadnici Vojne policije Bratunačke brigade, u kojoj školi su zarobljenici držani u nehumanim uslovima bez vode i hrane, kao i u stalnoj atmosferi straha za vlastiti život, te je nekoliko zarobljenika dana 14. jula 1995. godine ubijeno vatrenim oružjem u neposrednoj blizini navedene škole u Ročeviću, kojem prilikom je slučajno i ranjena mještanka sela Ročević [REDACTED], pa je dana 15. jula 1995. godine nakon što je stigao pred navedenu osnovnu školu u mjestu Ročević osumnjičeni **Pavlović Miodrag "Mijo"** pripadnik vojne policije Zvorničke brigade VRS-a, izlazeći iz auta prijetio zarobljenicima riječima "pobili ste naše u Kravici jebat ću vam majku" pritom držeći u ruci hladno oružje većih dimenzija, "sablju" ili "mačetu", da bi zatim ispred škole osumnjičeni **Pavlović Miodrag "Mijo"** na naročito brutalan

način navedenim hladnim oružjem lišio života nekoliko zatočenika, čija tijela su ostala u krugu školskog dvorišta, a istog dana osumnjičeni **Zarić Radenko, Pavlović Miodrag "Mijo", Drašković Vukašin i Tomić Milan** zajedno sa drugim njima poznatim licima učestvovali u organizovanom premještaju zatočenika iz navedene škole u kamione koji su jedan po jedan dolazili pred navedenu školu, zatim prevozu kamionima i obezbjeđenju navedenih zarobljenika do lokaliteta šljunkare na obali Drine, naselje Kozluk, općina Zvornik, zvani "Kozlučki navoz", gdje je ovim zarobljenicima naređivano da iskaču sa kamiona u rupu u zemlji većih dimenzija koja je nastala od vađenja šljunka na navedenoj lokaciji, a oko navedenih rupa poredani u polukrug bilo je raspoređeno oko 30 (trideset) pripadnika Zvorničke brigade, Bratunačke brigade, Podrinjskog odreda specijalnih snaga "Vukovi sa Drine" VRS-a, te naoružanih civila, među kojima i osumnjičeni **Drašković Vukašin, Milić Rajko, Zarić Radenko i Tomić Milan**, pa su pucajući iz vatrenog oružja učestvovali u lišenju života navedenih zarobljenika, a kamioni su dolazili i odlazili jedan po jedan do navedene lokacije iz škole u Ročeviću tokom cijelog dana, te je navedenu lokaciju tokom dana dovožena municija, hrana i piće za osobe koje su učestvovala u pogubljenjima, a na kojoj lokaciji je do kraja dana 15. jula 1995. godine lišeno života ne manje od 829 (osamstotinadvadesetdevet) osoba, čiji posmrtni ostatci su naknadno zatrpani u masovne grobnice na navedenom lokalitetu, a nakon čega su njihovi posmrtni ostatci premješteni u više sekundarnih masovnih grobnica.

Dakle, Milić Rajko, Pavlović Miodrag "Mijo", Zarić Radenko, Drašković Vukašin i Tomić Milan, znajući za namjeru glavnih izvršilaca da istrijebe nacionalnu i vjersku skupinu Bošnjaka, pomagali i podržavali organizirano ubijanje muških pripadnika skupine Bošnjaka, koji su, kao Bošnjaci Istočne Bosne, činili značajni broj etničke skupine Bošnjaka;

Čime su učinili krivično djelo Genocid iz člana 171. tačka a) i b), Krivičnog zakona Bosne i Hercegovine (KZBiH) u vezi sa članom 180. stav 1.(individualna odgovornost), i u vezi sa članom 31. (pomagači) KZ BiH.

TUŽITELJI
TUŽILAŠTVA-TUŽITELJSTVA BIH